

佛地經論卷第四

聲四

親光等菩薩造 大唐三藏法師玄奘奉詔譯

經曰又如空中種種色相現生現滅而此虛空無生無滅如是如來淨法界中諸智變化利衆生事現生現滅而淨法界無生無滅論曰復有難言若淨法界徧在一切所知境

界不相捨離一向隨轉是則法界應有生滅若無生滅不應徧在所知境界不相捨離一向隨轉爲釋此難故說第四太虛空喻又如空中種種色相現生現滅等者此義意言如太虛空徧在諸色容受色相不相捨離一向隨轉諸色雖復現生現滅而虛空性無生無滅如是如來清淨法界徧一切境含容一切智所變化利衆生事不相捨離一向隨轉智等雖有現生現滅而淨法界無生無滅就此密意契經中說曼殊室利不生不滅故名如來乃至廣說就勝義諦色等諸法亦無生滅就世俗諦施設生滅是故言現此意說言就

世俗相現有生滅非勝義體實有生滅淨法界中諸智變化利衆生事亦復如是

經曰又如空中種種色相現增現減而此虛空無增無減如是如來淨法界中顯示如來甘露聖教有增有減而淨法界無增無減論曰復有難言若淨法界徧在一切不相捨離如來聖教現見有增後當減減法界同彼應有增減若爾法界應不清淨爲釋此難故說第五太虛空喻又如空中種種色相現增現減等者如來聖教於諸外道一切出間邪劣教中最爲真實殊勝清淨猶如醍醐亦如甘露令得涅槃永不死故如是聖教奉行證

聖得無學果千載已前多分有故說佛正法但經千載非佛教法但住千歲又聲聞藏雖佛去世百年已後即分多部而菩薩藏千載已前清淨一味無有乖諍千載已後乃興空有二種異論是故說言如來正法但經千載而淨法界無增無減者如來聖教就世俗理

有增有減非就勝義法界爲性無增減故色等亦爾法界爲性無增無減就勝義理猶如虛空無增無減相是故言現謂就世俗識等變現似有增減非就真性淨法界中色等諸法皆離戲論分別相故

吉四

經曰又如空中十方色相無邊無盡是虛空界無邊盡故而此虛空無去無來無動無轉如是如來淨法界中建立十方一切衆生利益安樂種種作用無邊無盡清淨法界無邊盡故者以盡故而淨法界無去無來無動無轉

論曰復有難言若諸如來法界爲體如來施與一切有情利益安樂或去或來法界與彼不相離故如所餘法應有去來應有生等若爾法界應不清淨法界若無去來等事不應十方施與有情利益安樂爲釋此難故說第六太虛空喻又如空中十方色相無邊無盡等者如虛空界無邊無盡十方世界亦無邊盡是故其中種種色相亦無邊盡無一方邊

三

十方無邊世界無邊有情利樂事轉而淨法界無去無來等者捨此就彼名去捨彼就此名來無動無轉初標後釋法界無者無邊際故無形礙故若有邊際形礙法界可說異方去來動轉非無邊際形礙法界如虛空等得說去來動轉作業此摠義言清淨法界是諸

龍四

如來勝義自體法界徧在一切有情相續中有彼諸有情自善種子成熟力故由淨法界增上緣力彼識生時如是作用變現而轉說名如來作諸衆生利益安樂除此作用增上緣力更無如來法身能作有情利益安樂事用如契經言善男子如來都無去來等事而言

無諸方盡或就時處是故說名無邊無盡而此虛空無去無來無動無轉者以太虛空含容一切徧一切故無作用故如是如來淨法界中建立十方一切衆生等者利樂作用無邊無盡義如前說清淨法界無邊盡故者以淨法界無邊盡故雖無行動而增上力能於

二

吉四

三

分

如來去來等者就受用身及變化身無相違過
經曰又如空中三千世界現壞現成而虛空
界無壞無成如是如來淨法界中現無量相
成等正覺或復示現入大涅槃而淨法界非
成等正覺非入寂滅

論曰復有難言若淨法界離去來等云何無

有方所去來而得正覺般涅槃等若有去來
還得前過爲釋此難故說第七太虛空喻又
如空中三千世界等者此難不然譬如世界
現壞現成而虛空界無成壞故淨法界中雖
有諸佛現成正覺般涅槃等而淨法界真實
無有成等正覺涅槃等事若有此事可爲此
故有去來等如虛空中現諸世界滅壞生成
就世俗理非真實義彼如太虛皆性空故如
是如來清淨法界現無量相成等正覺或復
涅槃亦由世俗非真實義成正覺者入涅槃
者皆無有故緣生諸蘊非我性故若淨法界
就真實義有此二者應非真實以真實法不

捨自相取餘相故若許法界捨非正覺成等
正覺捨非涅槃得般涅槃則非真實若有壇
謂即以此義名爲真實等正覺者會無有時
不等正覺般涅槃者曾無有時不般涅槃是
故真實若爾餘事亦應如是壞劫恒壞無時
不壞成劫恒成無時不成瓶等無時不是瓶
等如是等事皆應真實若爾不應修觀行者
度熾火等徧滿世界往餘世界應被其中火
所燒等獲得增上勝解力者於其地等應無
自在轉變作用非得勝定自在力者現等正
覺非等正覺般涅槃非般涅槃是故雖有先
正覺位今涅槃位而淨真如不捨自相故淨
第十四
法界非成等覺非入涅槃此中二種皆是增
益爲自相故非真實有作者作用皆是徧計
所執相故俱無所有而言隨覺一切法故名
菩提者此是出世無分別智成等正覺此中
亦以緣真如智二種分別不現行故非等正
覺非般涅槃即依如是密意說言天子當知

以一切法皆無生故諸佛現生無得無證乃至廣說偏計所執無所有故生等分別亦無有故由世俗理施設二故由變化身示現二故隨順所化有情意故如來示現如是二事且舉二事類顯一切

經曰又如依空種種色相壞爛燒燥變異可

得而虛空界非彼所變亦無勞弊如是依止如來淨界衆生界內種種學處身語意業毀犯可得而淨法界非彼變異亦無勞弊

論曰復有難言若淨法界徧在一切有情之類云何有情得有毀犯非法界中有諸毀犯性清淨故制立學處亦應唐捐以諸有情無毀犯故若有毀犯應有勞弊應同二乘非極清淨為釋此難故說第八太虛空喻又如依空種種色相等有此難不然如虛空故譬如空諸草木等種種色相壞等變異種種可得而淨虛空不為彼物之所變異雖在其中而無變異亦無勞弊無有壞等若所逼故如

是依止如來淨界衆生界內雖有種種毀犯可得而淨法界無有變異亦無勞弊雖淨法界中現見有情自分別起身語意業二種毀犯謂在家者害父母等種種不善毀犯可得及諸出家者隨其所應亦有種種毀犯可得及爲遮止制立種種學處可得此皆世俗有所違犯而淨法界非彼違犯之所變異無異性故亦無勞弊無逼切故若爲苦逼不堪耐故則有勞弊如聲聞等非淨法界不能堪耐一切苦逼故無勞弊猶如虛空又如空中色等諸法雖有壞等但是世俗而非真實如是如來淨法界中雖有毀犯制立學處但假安立

而非實有所以者何身等三業不善等性皆由相應發起勢力假名建立不由自性非塊石等由發起故可實建立爲不善等身業亦爾地等和合所成性故語業亦如鍾鼓聲等非不善等諸無表業惟以不作爲其性故亦非實有意業亦由相應勢力立不善等如餘

相應亦非實有因既非實果亦應爾故法界中若業若果一切皆是分別所起出俗識等變現而生如變現相如是建立皆非真實經曰又如依空大地大山光明水火帝釋眷屬乃至日月種種可得而虛空界非彼諸相如是依止如來淨界戒蘊定蘊慧蘊解脫蘊解脫智見諸蘊可得而淨法界非彼諸相

論曰復有難言若淨法界徧一切法應無形等無漏蘊相不相離故應如法界亦非蘊性爲釋此難故說第九太虛空喻又如依空大地大山光明水火等者此難不然如虛空故譬如依空地等可得非與地等共相應故空成蘊性如是依止如來淨界雖有戒等諸蘊可得而淨法界非戒等蘊當知此中無漏淨戒名爲戒蘊無漏定慧名定慧蘊無學勝解名解脫蘊無學正見名解脫智見蘊前三是因後二是果有說一切皆是無學緣解脫慧名解脫智見餘慧名慧有說一切通學無學

學位分得無學圓滿諸佛菩薩皆具五故如是五蘊雖依法界而淨法界不同彼相彼亦不失五蘊自相此中亦應說五取蘊戒等無漏同法界故且略宣說淨法界中雖無戒等諸事功德而有真理功德法門彼增上緣生長一切有爲功德不同虛空法界真理功德

法門是無爲故非蘊所攝依之生長一切功德有爲生滅是蘊所攝無斷盡故亦說名常非求不滅生必歸滅一向記故蘊所攝故非無爲法有緣慮等作用義故以其勝故且說五蘊法界實是一切三乘功德所依經曰又如空中種種因緣展轉生起三千大

千無量世界周輪可得而虛空界無所起作如是如來淨法界中具無量相諸佛衆會周輪可得而淨法界無所起作論曰復有難言若一切佛法界爲體應無後此受用差別云何得有衆會不同若所受用有差別者云何諸佛法界清淨爲釋此難故

說第十太虛空喻又如空中種種因緣展轉
生起等者此難大然如虛空故如虛空中因

緣生起三千大千界等周匝風輪圍繞可得
虛空雖無我所差別分別思慮而能容受種
種差別出界周輪如是如來淨法界中自業
增上所起種種衆相圓滿得一切智灌頂菩

吉四

薩同一集會周輪可得別別因緣之所生起
非如一佛衆會因緣第二第三亦復如是餘
契經中依此故說諸佛淨土種種可得諸佛
衆會種種可得而淨法界無我我所受用差
別及以造作能取所取分別可得此摠義言
如來法身雖無差別戲論色像而受用身及

變化身由本願力自勝行力生起種種衆相
圓滿諸佛淨土諸佛衆會差別可得皆是淨
識如是變現種種差別非真實有如轉輪王
由宿願力亦為饒益諸有情故造作勝行生
女寶等諸妙樂具種種差別諸佛亦爾為欲
饒益諸有情故造作勝行自業增上生起種

種淨國衆會受用法樂衆具差別但無分別
與前有異

復次如是已說法界諸相甚深業用甚深處
所甚深相甚深者謂離十種不清淨過當知
即是十清淨相不清淨過有十種者一差別
過二雜染過三有行過四有爲過五增減過

六行動過七斷常過八勞弊過九積聚過十
攝衆過十清淨相者謂無差別相無雜染相
非有行相非有爲相無增減相無行動相非
斷常相無勞弊相非積聚相無我所相如其
次第業用甚深當知即是變化等業處所甚
深當知即是無有行動衆相圓滿一切如來

淨土衆會於一切處皆以虛空爲譬喻者爲
顯法界一切鹿相同虛空故如契經言乃至
所有施設譬喻諸如來戒等功德一切皆
是謗諸如來唯除一喻謂虛空喻如來戒等
無量功德同虛空故乃至廣說

經曰復次妙生大圓鏡智者如依圓鏡衆像

影現如是依止如來智鏡諸處境識衆像影現唯以圓鏡爲譬喻者當知圓鏡如來智鏡平等平等是故智鏡名圓鏡智

論曰已建立斷當建立智依此故言復次妙生大圓鏡等應知此中以喻顯示大圓鏡智是能生現諸法影像平等因緣謂諸如來第

聲四

八

公

八淨識能現能生智等影像如大圓鏡能現出間一切影像智相應故假說名智言諸處者謂內六處即是眼等言諸境者謂外六鏡即是色等此內六處外六境界即十二處緣此十二生三智品心及心法識爲主故總名諸識即此諸識名衆像影種種行相差別現

故此後經言大圓鏡智於一切時依諸緣故種種智影相貌生起如是等文皆說能爲智影生因故名鏡智平等性智以緣生事圓鏡智等爲境界故妙觀察智以一切法自相共相爲境界故成所作智應知亦爾如是三智相應心品於內六處外六境界一切所緣所

取境上變似一切自相共相種種影像分明顯現如是影像皆因如來大圓鏡智而得生起分明顯了故名爲現此唯如來智等所現如來果位平等智等爲自性故智等生時如自所有行相差別皆能證知唯有如來覺慧分析說示其相餘無此能大圓鏡智說名能現由此爲緣生彼影像猶如明鏡現諸影故入處境識三事各別處謂六根境謂六塵識謂六識即十八界衆像影現此衆像影隨其所應三智品現妙觀察智等盡所有性如所有性皆能現故如來鏡智相應淨識爲緣生此三智影像故名爲現亦唯如來智等所現廣說乃至唯有如來覺慧分析說示其相餘如前說又十八界皆在如來大圓鏡智相應心品影像顯現以諸如來鏡智生時皆能照了一切境故諸處境識猶如影像在此智中分明顯現由此鏡智攝受彼相而生起故鏡智雖無所取能取一異分別而有一切所知

聲四

九

公

影現如大圓鏡此智生時如是行相爲自性故如來雖無所取能取一異分別而能現證自心所現自相共相諸法影像由證知故能無顛倒說一切法自相共相由此影像如來成就無忘失法一切所知境界影像於一時鏡智等上分明顯現無忘失故若不爾者

云何如來名一切智無境智等不能恒時於一切法自相共相現證知故若謂相續有堪能故名一切智如有頌言

相續有堪能如火食一切如是一切智非頓知一切

此但虛言他心智等取一事時不取餘事不

知餘故非一切智就其相續亦不能取知現在故汝宗一念但知一分諸法共相若爾如來應假名說爲一切智不可假說非一切智爲一切智即成真實一切智者又以如來鏡智爲緣餘相續中世出世善諸處境識衆像影現以諸世間世出世善若無鏡智皆不得

生彼法生時皆由此力亦能證知此義意言如來鏡智增上緣力一切世間世出世善諸處境識皆得生起如明鏡中衆像影現雖諸有情各有因力而由鏡智爲增上緣乃得生起如雖有種若無地等芽等不生如雖有質若無鏡等衆影不現若爾世尊應同妻見自

在天等爲世間因立爲世間一切果生平等因故無此過失以彼生時唯能爲作增上緣故非作者故是無常故於無量劫修集福智二種資糧所生起故一切衆生苦及善緣由此得生外道妄見自在天等與諸世間爲能作者其性常住故不相似若無實影圓鏡中

聲聞

十

分

生云何爲喻有質有鏡和合爲緣如是相現故得爲喻謂諸有情顛倒執著影像熏習成熟力故鏡而爲緣自識變異似面影現由是世間起增上慢謂我鏡中見其面影以無別影鏡中生故經但說言衆像影現不言生起如是應知一切境相皆是自識變異顯現非

別實有以識勝故但言唯識非無心法亦不說言唯有一識以諸有情各有八識及心法故一切色等雖各有種皆是自識變異薰習識上功能差別為性故變現時還不離識就出俗說別有心法非真實義以就勝義諸法皆無定別性故乃至真如雖非識變亦不離識識實性故識上二空無我共相所顯示故此唯識言但遮愚夫橫計一切心心法外定性色等偏計所執不遣不離諸心心法色等諸法依他起性圓成實性非無有故由平等故此二平等是故說言平等平等世間圓鏡如來鏡智俱無分別皆能現影無有差別由是因緣名圓鏡智

經曰如大圓鏡有樂福人懸高勝處無所動搖諸有去來無量衆生於此觀察自身得失為欲存得捨諸失故如是如來懸圓鏡智處淨法界無間斷故無所動搖欲令無量無數衆生觀於染淨為欲取淨捨諸染故

論曰高勝處者所謂高幢或餘勝處淨法界者無垢真如處謂安處或依或緣無間斷故無動搖者由此鏡智依緣法界窮生死際恒常隨逐相續無斷故無動搖此義意言大圓鏡智永離一切分別動搖一得已後盡未來際相續無斷其餘三智雖無妄計而有無執作意分別證得已後或行不行非不動搖有說滅定平等性智亦不現行論說滅定無第七故又說亦滅一分恒行心心法故若爾論說於三位中皆無第七是則初地已上無漏現行觀時及如來地應無此智即為大失違經論故然說無者意說無有染汙第七非一切無未得法空無我智來法分別執常現依故如未證得補持伽羅空無我智彼執恒行依此識故波擇分說阿賴耶識定與末那二識俱轉若起意識定與二識一時俱轉若五識中隨起一識定與三識一時俱轉乃至一時若起五識定與七識一時俱轉故知聖道

滅定無學亦有無染法分別執平等智俱第
七識等行相細故不違滅定由此滅定是無
漏道所引發故體無漏故與染汙意我執相
違此一分滅非滅一切故平等智於佛果上
雖恒現行而十地中證得已後或起煩惱有
漏心時此智不起有間斷故非不動搖其餘

二智於佛果上亦不當行故非不動搖何故
安處大圓鏡智在淨法界爲令無量無數衆
生觀染淨故何故觀彼爲欲取淨捨諸染故
染謂煩惱及業生相捨謂伏斷由世間道及
出世道暫時畢竟伏斷彼故淨謂諸善能令
衆生心清淨故取謂任持安立長養成熟種
子隨所願求證解脫故此中意說一切如來
昔菩薩位爲欲成辦一切有情一切種相利
樂事故一切有情利益安樂意樂常隨依淨
法界隨所修集福智資糧迴求相續大圓鏡
智方便善巧勤修習故證得此智依緣法界
相續無動雖無作意分別戲論而相續轉爲

增上緣令諸有情隨所求願安立長養成熟
無量善根種子得世間樂出世解脫此由如
來大圓鏡智起化生用爲諸有情宣說法要
令知染淨取淨捨染即是利樂有情根本
經曰又如圓鏡極善磨瑩鑒淨無垢光明偏
照如是如來大圓鏡智於佛智上一切煩惱
所知障垢永出離故極善磨瑩爲依止定所
攝持故鑒淨無垢作諸衆生利樂事故光明
偏照

論曰鑒謂自性極清淨故淨謂差別離客塵
故言無垢者總前二種周圓離垢極清淨故
光者由鑒明者由淨言偏照者由無垢故於
佛智上等者即煩惱障及所知障俱名爲垢
究竟斷故名永出離由有永出諸障垢義故
說鏡智極善磨瑩又煩惱者謂貪瞋等一切
煩惱纏隨眠位若行不行皆有勢力障生聖
道障得涅槃亂身心故名煩惱障所知障者
於所知境不染無知障一切智不障涅槃雖

有此障見聲聞等得涅槃故即此二障亦名爲垢礙清淨智令不生故滌淨智故由得對治客塵障垢畢竟不生名永出離由永離障太圓鏡智恒時極淨是故說爲極善磨瑩爲依止定所攝持故者是所依止故名依止大圓鏡智依此生故依止即定名依止定或智

声四

十三

公

依定名依止定從此無間解脫道生極清淨故所依止定即是殊勝金剛喻定由彼定力障求斷故此智爲彼所依止定力所攝持故名攝持彼定無間此智生故由彼定力最極清淨離諸分別無有分別鏡智生故此智旣爲所依止定所攝持故鑒淨無垢自體清淨故名爲鑒離煩惱障故名爲淨離所知障故名無垢作諸衆生利樂事故光明偏照者此智爲定所攝持故亦能起作一切有情諸利樂事由作此故光明偏照自性清淨鑒故名光離煩惱障及所知障如其次第名明偏照此中意說如大圓鏡極善磨瑩鑒淨無垢爲

今他見面之得失爲饒益事是故說名光明偏照大圓鏡智自性清淨遠離二障鑒淨無垢雖不可見而起受用及變化身能生諸智成辦衆生諸饒益事是故說名光明偏照經曰又如圓鏡依緣本質種種影像相貌生起如是如來大圓鏡智於一切時依諸緣故種種智影相貌生起論曰若圓鏡智是諸有情一切智等影像生因云何影像相有差別云何此智體無差別又一切時常能爲因何不恒時頓生一切衆生及自智等影像釋此難言又如圓鏡依緣本質種種影像相貌生起非影異故鏡體差別亦非恒時頓生影像待衆緣故如是鏡智於一切時待衆緣故生智等影種種差別非彼異故智成青等種種差別亦非恒時頓生一切衆生及自聖智等影待時待緣乃能生故此中意說大圓鏡智相應淨識有二種用一因緣用謂淨識中具有一切能現能生身

土境智淨法種子若遇外緣即便變現身土
境界種種影像及能生起平等智等相應心
品行相差別二增上緣用謂佛淨識善根願
力所生起故若謂衆生自因緣具爾時淨識
即使資助令得無障生長成滿是故鏡智體
雖是一能現能生諸法影像待外緣故非頓

聲四

古

公

現起

經曰如圓鏡上非一衆多諸影像起而圓鏡

上無諸影像而此圓鏡無動無作如是如來
圓鏡智上非一衆多諸智影起圓鏡智上無
諸智影而此智鏡無動無作

論曰若諸智影於鏡智上先已有體云何鏡

執及我所執所取能取作意分別而能生起
種種智等諸法影像

經曰又如圓鏡與衆影像非合非離不聚集
故現彼緣故如是如來大圓鏡智與衆智影
非合非離不聚集故不散失故

論曰若圓鏡智與諸智等影像和合云何不

聲四

十五

智爲緣而生若先無體云何能生諸智影像
而無動作不見窯師無有動作而能生起先
無瓶等釋此難言如圓鏡上非一衆多諸影
像等如大圓鏡能起諸影同類數多故名非
一異類無數故名衆多觀待同類簡一種故
說言非一觀待異類顯無數故說言衆多如

是鏡上雖先無影而起多影而無思慮分別
動作鏡智亦爾雖先無有智等影像而能生
起智等種種諸法影像觀待同類說言非一
觀待異類說言衆多雖生如是智等影像而
無思慮分別動作此中意言如大圓鏡雖無
分別而能生起種種影像鏡智亦爾雖無我
執及我所執所取能取作意分別而能生起
種種智等諸法影像

經曰又如圓鏡與衆影像非合非離不聚集
故現彼緣故如是如來大圓鏡智與衆智影
非合非離不聚集故不散失故

論曰若圓鏡智與諸智等影像和合云何不

俱不俱可名和合圓鏡與影亦非別離現彼緣故即由此義非不和合要由此有彼得有故雖與影像為現生因而非影像有差別故鏡成差別大圓鏡智亦復如是雖能為因生智等影而與智等非合非離不聚集故不散失故言非合者彼未生前由未有體不聚集

分亦非色等共相和合以俱有故令其識上似與色等和合相生以世現見一切因果雖非合離而能為因是故無有因果二根決定和合

卷四

佛地經論卷第四

聲四

和合

卷四

故言非離者要有鏡智智等影生無則不生

不散失故離壞無有名為散失與彼相違名不散失攝生彼故或不忘失所緣境相名不

散失由鏡智中顯現一切所知相故三世智等及諸衆生若不偏知鏡智不生要知一切此智乃生是故此智不忘一切所緣境相名

不散失不散失故所以非離雖能為因起智等影而不由彼有差別故此成差別如大圓鏡無差別轉此中意說如世圓鏡雖能為因起諸影像而非合離差別所觸鏡智亦爾雖能為因起智等影而非合離差別所觸種等雖能為芽等因而亦合離俱不可說光明細

佛地經論卷第五

聲五

親光等菩薩造

大唐三藏法師玄奘奉詔譯

經曰又如圓鏡周瑩其面於一切處為諸影像徧起依緣如是如來大圓鏡智不斷無量衆行善業為諸智影徧起依緣謂聲聞乘諸智影像獨一覺乘諸智影像無上大乘諸智